

CHDP Muaj Kev Pab Dabtsi?

Txoj kev pabcuam CHDP pab tiv thaiv lossis nrhiav teeb meem mob nkeeg los ntawm kev mus kuaj mob raws sij hawm kom tsis txhob tu ncuaj, thiab tsis raug them nqi dab tsi. Ib qho kev kuaj mob raws sij hawm yog muaj:

- Keeg kwm ntawm kev noj qab nyob zoo thiab kev loj hlob
- Kev kws kho mob kuaj tag ib ce
- Txhaj cov koob tshuaj uas yuav tsum tau txhaj
- Kev kuaj qhov ncauj thiab xa mus ntsib ib tus kws kho hniav thaum muaj hnub nyoog 1 xyoos
- Kev kuaj neeg txoj kev noj zaub mov
- Kev kuaj tus cwj pwm neeg coj
- Kev kuaj qhov muag
- Kev kuaj qhov ntsej
- Ntaub ntawv txog kev noj qab nyob zoo
- Kev sim tshuaj lossis tso ntshav kuaj, uas tej zaum yuav muaj: kuaj kab mob ntshav liab tsawg, kuaj ntshav muaj hmoov txhuas, kuaj kab mob ntsws, thiab lwm yam teeb meem, raws li yam yuav tsum tau kuaj
- Xa cov me nyuam muaj hnub nyoog txog 5 xyoos mus thov qhov kev pabcuam Women, Infants, and Children (WIC) program

Lwm Cov Kev Pab

Yog yuav tsum tau muaj lwm yam kev pab rau txoj kev noj qab nyob zoo, peb yuav pab koj nrhiav cov kev pab ntawd, suav nrog rau:

- Cov kws kho hniav uas txais Denti-Cal rau qhov kev tu koj tus me nyuam cov kaus hniav
- Cov kws kho mob uas paub txog ib yam mob zoo, raws li qhov yuav tsum tau mus ntsib
- Kev pab rau kev mob hlwb thiab kev coj tus cwj pwm, raws li qhov yuav tsum tau mus ntsib

Nqi kuaj thiab nqi kho yeej them tag lawm tsuav yog koj tus me nyuam muaj Medi-Cal.

Ntaub Ntawv Qhia Ntxiv

Yog xav paub ntxiv txog CHDP, qhov khiav kev mus los, lossis xav kom pab teem caij mus kuaj mob, hu rau CHDP lub chaw ua hauj lwm uas nyob ze koj.

Koj yuav nrhiav tau CHDP lub chaw ua hauj lwm uas nyob ze koj yog koj mus xyuas hauv California Department of Health Care Services lub vas sab (website) nyob ntawm: www.dhcs.ca.gov/services/chd

Alameda County CHDP
1000 San Leandro Blvd., 2nd Floor
San Leandro, CA 94577
Hu rau 510-618-2070

Yog Xav Tau Kev Pab Rau Kev Mob Hlwb,
Hu rau 1-800-491-9099

Kev mus kuaj mob raws sij hawm yuav ua tau kom koj

Kev kuaj mob raws sij hawm los kuj tseem yuav nrhiav tau thiab kho tau tej mob ua ntej cov mob ntawd hloov mus ua ib tus mob loj



Edmund G. Brown, Jr.
Tswv Xeev, Ntawm Lub Xeev California

PUB 183 (Hmoob, 9/15)

Hmoob

Txoj kev pabcuam Child Health and Disability Prevention (CHDP) Program

Cov Kev Kuaj Mob thiab Kuaj Kaus Hniav Raws Sij Hawm



Muaj Kuaj DAWB

Rau Me Nyuam Mos Liab, Me Nyuam Yaus, thiab Tub Ntxhais Tsis Tau Muaj 21 Xyoos Nyob Rau Hauv Full Scope Medi-Cal lossis Tsis Tau Muaj 19 Xyoos Nyob Rau Hauv Low Family Income.

Tsis Tag Yuav Muaj Ntaub Ntawv Pov Thawj

Vim Li Cas Thiaj Mus Kuaj Mob Raws Sij Hawm?

Kev mus kuaj mob raws sij hawm yog qhov tseem ceeb rau tag nrho cov me nyuam thiab tub ntxhais hluas. Kev kuaj mob raws sij hawm yog ib lub sij hawm los mus:

- Nrhiav thiab kho cov teeb meem txog mob nkeeg, kaus hniav, mob hlwb, thiab kev neeg coj tus cwj pwm
- Txhaj cov koob tshuaj uas yuav tsum tau txhaj
- Nug koj tus kws kho mob yog koj muaj lus nug dab tsi

Kev kuaj mob raws sij hawm los kuj siv tau rau lub sij hawm yuav muab tus me nyuam mus nrog niam qhuav txiv qhuav nyob, lub sij hawm ib tug me nyuam yuav mus ua kis las, yuav nrog tsev kawm ntawv mus pw tom hav zoov, lossis mus kawm ntawv, raws li qhov yuav siv.

Cov Me Nyuam Mos Liab thiab Me Nyuam Yaus

Thaum Yug Los Mus Txog 3 Xyoos

Kev kuaj mob raws sij hawm yuav ua tau rau koj tus me nyuam mos liab zoo siab thiab noj qab nyob zoo. Koj yuav paub koj tus me nyuam mos liab qhov nws loj, hnyav, thiab kev noj qab nyob zoo, thiab nws yuav raug txhaj cov koob tshuaj uas yuav tsum tau txhaj. Thaum muaj 1 xyoos thiab 2 xyoos, koj tus me nyuam mos liab yuav tsum tau mus kuaj saib puas muaj txhuas nyob hauv nws cov ntshav. Nws los kuj yuav tau muaj ib qho kev kuaj saib puas muaj ntshav liab txaus thiab. Koj tus me nyuam yuav tsum tau mus ntsib ib tus kws kho hniav tsawg kawg los li ntawm ib xyoos ib zaug pib txij thaum nws muaj hnuv nyooog 1 xyoos mus.



Kev Kho Hniav

Thov hu rau CHDP lub chaw ua hauj lwm nyob ze koj yog xav tau kev pab los mus nrhiav ib tus Kws Kho Hniav uas txais Denti-Cal. CHDP los kuj tseem yuav pab teem caij mus ntsib thiab thauj mus los tib si yog koj ua koj tus kheej tsis tau.

Cov Me Nyuam Loj Txog Hnuv Nyooog Mus Kawm Ntawv

4 Xyoos Mus Txog 12 Xyoos

Nws tseem ceeb los mus xyuas kom meej tias koj tus me nyuam yeej tsis muaj mob thiab npaj txhij rau qhov yuav mus kawm ntawv lawm. Cov kev cai lij choj hauv lub xeev yuav tsum kom cov me nyuam txhaj tag cov koob tshuaj thiab muaj kev kuaj mob raws sij hawm.

Cov me nyuam loj txog hnuv nyooog mus kawm ntawv tau los kuj yuav tau mus kuaj qhov muag thiab qhov ntsej. Yog koj tus me nyuam yeej tsis tau muaj dua ib qhov kev kuaj saib puas muaj txhuas nyob hauv nws cov ntshav yav tag los, nws yuav tsum tau mus kuaj ib zaug thaum muaj hnuv nyooog 6 xyoos lossis ua ntej ntawd. Koj tus me nyuam yuav tsum tau mus ntsib ib tus kws kho hniav tsawg kawg los li ntawm ib xyoos ib zaug pib txij thaum nws muaj hnuv nyooog 1 xyoos mus.



Pom Kev & Hnov Lus

CHDP lub chaw ua hauj lwm nyob ze koj yeej pab nrhiav tau kev kuaj qhov muag thiab qhov ntsej rau koj yog hais tias nws yog ib yam mob uas yuav tsum tau kho.

Leej Twg Thiaj Siv Tau Qhov Kev Pab No?

Cov me nyuam yaus thiab tub ntxhais hluas muaj hnuv nyooog txog 21 uas tsim nyog siv tau Medi-Cal. Cov me nyuam yaus thiab cov tub ntxhais hluas tsis tau muaj 19 xyoos uas tsev neeg cov nyiaj khwv tau los tsawg tshaj lossis txog li 200% ntawm Tsoom Fwv Cov Qauv Rau Nyiaj Khwv Tau Los (Federal Income Guidelines) los yeej tsim nyog siv tau qhov kev pab no ib yam thiab. Tsis tag yuav muaj pov thawj qhia tias nyob qhov twg thiab khwv nyiaj tau ntau npaum li cas.

Cov Hluas thiab Cov Tiav Hluas Nkauj Hluas Nraug

13 Xyoos Mus Txog 20 Xyoos

Cov hluas los yeej yuav tsum mus kuaj mob raws sij hawm ib yam thiab! Thaum no yog ib lub sij hawm los mus xyuas kom meej tias koj tus me nyuam hluas yeej loj thiab hlob tau zoo. Nws los kuj yog ib lub sij hawm rau koj thiab koj tus me nyuam hluas los mus nug tus kws kho mob tau txhua los lus nug neb muaj. Yeej mus kuaj tau ntxiv yog yuav tsum muaj ua ntej mus ua kis las thiab mus pw tom hav zoov. Koj tus me nyuam yuav tsum tau mus ntsib ib tus kws kho hniav tsawg kawg los li ntawm ib xyoos ib zaug pib txij thaum nws muaj hnuv nyooog 1 xyoos mus.



Kev Pab Rau Kev Mob Hlwb, Kev Me Nyuam Lub Hlwb Khiav Qeeb thiab Kev Neeg Coj Tus Cwj Pwm

Hu rau CHDP lub chaw ua hauj lwm nyob ze koj yog xav tau kev los mus siv cov kev pab ntawm no.